

道南源委錄

道南源委錄卷之十

附錄

方道輔

名元宋莆田人少與伊川同遊潤學至老書  
問不絕家藏伊川真跡十餘紙其五紙朱晦  
翁已刻石白鹿書院其語曰此得上澆皆有  
與世背馳求合古聖賢之語蓋稱爲志道之

三三

吳昌華

名儀南平人清脩力學

所重豫

嘗師事之自號審律詩稱審律先生

練質夫

名繪浦城人少同楊時遊程頤之門甚器之

不榮軒冕而以名教爲樂

游執中

名復建陽人篤實純明後進矜式龜山誌墓

深悼其德學不尤顯于時

余隱之

名允文建安人嘗作尊道辨三十餘條以關諸說人公是之又爲訂定云

吳公濟

名楫崇安人紹興末試不第退居田里與文公西山往來講明性理之學

蔡牧堂

名發字神與建陽人朱文公嘗稱其所以教子者不干利祿而開之以聖賢之學

劉屏山

名子學字涉冲韜李

子名德劉勉之交

相得每見講學外無他語門人朱熹請入道  
次第子輩告以易之不遠復者吾之三字符  
也

林拙齋

名之奇字少穎候官人呂東萊嘗師事之所  
著有書春秋周禮說論孟楊子講義

劉德稱

名嘉譽長樂人嘗授業延平李侗之門子世

南從林之奇遊

邵季山

名景之古田人授業於籍溪胡憲之門

羅宗約

名博文沙縣人從延平遊學有源委年未三十屏遠聲色一榻蕭然大爲文公所敬信

游文靖公

名九言字誠之建陽人始學于棡棡教以求放心父有得嘗序太極上云欲知太極先

識吾心

魏國錄

名揆之字子實建陽人除台州教授歸日居  
良齋條理舊聞以求其所未至

楊仲思

名道夫浦城人從文公遊文公答書云所論  
仁字大意得之更宜子細玩味就實加功道  
夫從兄與立子昂同時受學子若海

林文介

名亦之字學可福清人林光朝之高弟也光朝嘗講道於蒲之紅泉及卒學者請亦之繼其席或勸之著書亦之作詩曰講學紅泉不著書只將心學受生徒學者稱網山先生

余占之

名隅從文公游嘗與呂祖謙黃榦往來講明義理有克齋集

范朝奉

名念德字伯崇建陽人從文公游文公嘗得



其所著雜說讀之曰持守才為見理漸明  
虞復之

名知方蔡元定次子出後虞氏

陳直講

名士楚字英仲莆田人從林艾軒游

詹大卿

名體仁字元善浦城人從文公游穎邁特立  
博極群書其學以存誠慎獨為主

余正叔

名大雅順昌人與第大猷及同郡游敬仲同  
時從文公游每告以簡約切實工夫而要其  
歸於求放心

林竹溪

名希逸字肅翁福清人師事陳深澤之學出  
林亦之亦之出林光朝授受遠有委源

童蜚卿

名伯羽甌寧人好讀書嘗師事文公所著有  
四書集成及諸經訓解文公題其堂曰敬義

通南源志卷之二  
學者稱曰敬義先生

江建寧

名默字德功崇安人從文公游文公稱其無  
他嗜好一意詩書

許子春

名景陽同安人從文公游文公云子春說話  
意趣儘好恨不得歎曲議論

許子順

名履正晉江人從文公游文公云至之粗躁

不如子順細密然此等處却似打得過正好相切磋也

歐陽慶祠

名光祖崇安人從劉屏山朱文公學屏山甚稱重之文公亦遣三子師事焉

黃季野

名芻莆田人少從艾軒學志行高古同遊七自劉夙劉朔林亦之而下皆推讓焉

黃季全

名補莆田人其學專用心於內時艾軒講學  
城南補在城東幾與齊名

### 陳師文

名績字德容羅源人少慕伊洛考亭之學屢  
試禮部對策獨以正心誠意爲說俱見黜後  
以時務對擢第及廷試對復如初始終發明  
伊洛之旨

### 葉文修公

名味道字知道溫州人寓建陽習舉業於心

不安後得文公所編論孟精義讀之不忘乃以書求見輔漢卿云味道煞篤實

蔡廷傑

名和晉江人心慕文公以親老不能去勉陳易往受業而以書請質之

陳後之

名易永春人從文公學文公嘗稱易及陳淳爲學頗得蹊徑次第

蘇欽甫

名思恭晉江人從陳淳蔡和游篤意朱氏之  
學踐履堅確

傅忠簡公

名伯成字景初晉江人文公云景初素守於  
此可驗但得此心無愧所得多矣

任宣獻公

名希夷字伯起其先眉州人寓邵武從文公  
游文公稱其有志於學守官不苟

楊吏部

名楫字通老長溪人從文公游文公謂其誠實可敬但業未甚修耳

吳大年

名壽昌邵武人從朱學著問答略

劉潛夫

名炎邵武人游朱門

陳齊仲

同安人從文公游文公勉其務實

鄭文靖公



名昭先字景紹閩縣人初筮浦城簿嘆問學未悉乃游文公之門西山稱其書無不讀而尤喜聞義理之說

鄭知院

名性之字信之候官人弱冠從朱學唐璘劾其懦而多私黨底姦庸

林農卿

名湜字正甫長溪人從文公游文公既謫士諱其學公執弟子禮不變

王子正

名遇龍溪人蚤受業朱張呂氏之門而與廖  
德明黃幹陳淳友善所著有文集論孟講義  
號東湖先生

葉秘撰

名武字誠之邵武人與李方子同游朱門雅  
志恬退掛冠日久年高德粹

高兵部

名禾字穎叔晉江人陳復齋誌墓謂其學問

月開日益卓然蚤茂

楊料院

名仕訓字尹叔漳浦人文公守漳興學校明禮義以教其郡之士擇士之志於學者致賓賢館以處之尹叔與焉

鄭耕老

名毅叔莆田人讀詩易庸範語孟味其精微皆有例釋榮利澹如

傅大博

名誠字至叔莆田人從朱學至叔嘗云伊洛諸公字說得不倦分曉至先生而後大明

石洪慶

名子餘臨漳人游朱門文公以強毅方正稱之

張知縣

名彥清字叔澄浦城人從朱子游得其大指及仕光澤又與李公呂游造詣日深

李伯諫

名宗思建安人從文公游文公稱其教深好  
脩篤志問學爲蘄教專以古人爲己之學教  
人

李堯卿

名唐咨臨漳人文公延于學爲諸生楷式稱  
之曰持循雅飭

劉縣丞

名剛中字德言光澤人從文公游築室名琴  
軒從學者甚衆所述有師友問答

饒知縣

名幹字廷老邵武人爲長沙令適文公爲守  
幹夙興治事暇即聽講文公稱其孝謹敦實  
能自立學問

黃直翁

名寅邵武人登朱門問學精詣鄉人敬之

梁文叔

名琢邵武人從文公刻志勵學所論爲學工  
夫及體氣魂魄鬼神之說文公多許可之

馮作叔

名允中邵武人游朱門朱子以見名其齋所  
論懲創及敬義心性情之說文公公多許可

沈莊仲

名僦永嘉人寓建陽

林若時

名得遇仙遊人至武夷拜文公公令日讀論語

集註頓悟

游子蒙

名開建安人從文公游文公稱其議論文學  
皆有餘在此爲可與晤語者

龔曇伯

名郊寧德人從文公遊晚與楊志仁論辨理  
氣先後之說尤有造詣

鄭齊卿

名師孟寧德人從文公游所著有洪範講義  
以發明文公皇極辨之蘊

林貢士



名暮字不顯連江人從文公游文公稱曰此  
閩中瑞物也每舉其立志用力者以誨諸生  
焉

林存齋

名憲卿字公度懷安人從文公游晚得之稱  
其忠信勉以學文公沒其嗜學益苦

鄭進士

名文通字成叔閩縣人聞勉齋得文公之傳  
遂受業焉既與俱登文公之門嘗觀周子太

極圖而悟性善之旨

潘立之

名植懷安人從文公游文公稱立之有說得到處

葉知縣

名浞字子是建安人壯歲游文公之門得以直養氣之說每自謂平生與賓客言者皆可以語妻子

陳縣丞

名範字朝弼崇安人初爲崇仁丞縣令羅必元見而敬之日與相從講論

葉通判

名文炳字晦叔浦城人調晉江簿致書請益於文公及至官文公自漳還以居官臨民之法告語甚悉

陳縣尉

名總龜字朝瑞建陽人居與文公隣壯老相從遊於學無不通貫

劉正之

名學雅觀文子羽之孫學文學古學博理之  
子屏山之孫學棗學雅之弟知撫州刻規約  
于學以示學者時一至爲解說義理之學

丁復之

名堯崇安人從文公游而與蔡季通友善早  
卒文公誌其墓

李縣丞

名元字子能南安人刻志問學服習儉素儼

然一儒生無纖毫華胃氣文公稱之

黃謙

南安人父命之入郡學習舉業而徑來見文  
公公曰舉業者書自不相妨

胡季隨

名大時五峯之季子師事張敬夫後又講學  
於晦翁大全集問答甚多

蔣元肅

名雖仙遊人以南方夫子稱

陳伯澡

名沂莆田人篤志紫陽之學徧參劉燾廖德  
明李方子揚至諸先生之門而陳淳又沂終  
身所卒業者

丘行可

名富國建安人嘗受學於朱氏之門人以宋  
社旣危遂不仕

翁粹翁

名易崇安人從劉燾遊因得登朱文公蔡西

山之門講明義理徃復辨難悉究其旨

卓廷瑞

名琮永春人嗜學堅苦能暢陳淳所授之旨

黃宗台

名以翼永春人陳淳蔡和門人也莊毅有立

析理精詣

黃景文

名必昌晉江人從陳淳學又切磋於陳必潘

柄二賢

呂圭叔

名大圭同安人少師事陳淳門人王昭復得  
文公道學之傳

傅君遇

名天驥建寧教授與諸生講伊洛書不專課  
以程文理學由是益盛

陳石堂

名晉字尚德寧德人學出慶源輔氏其用功  
求之六經不貴文詞不急祿利惟真知實踐



求無愧於聖賢

韓古遺

名信同字伯循寧德人劉文簡諸孫招長雲  
莊書院信同以爲精舍講學之地去詞賦以  
四書六經爲課試法平生手不釋卷

蔣仁叔

名悌生福寧州人所著有五經蠡測五卷於  
義理多所發明

吳朝宗

名海閩縣人心師聖賢務爲踐履之實平生  
嚴正不妄許可有聞過齋集行于世

道南源委錄卷之十終

濟南源委錄卷之十一

朱氏門人無記述文字者

呂勝已

尚書杜之子字季克往來朱張之門官至朝  
請大夫知沅州

鄧邦老

名缺將樂人

鄧術老

名綱將樂人陳必守延平以邦老道德隆重

而且耆年延入書院

李公謹

名文子光澤人方子之弟

祝和父

名穆崇安人

李子賢

名東邵武縣人丞相綱族孫朱門號精敏

余景思

名元一興化軍仙遊人

熊端操

名節建陽人

詹景憲

名淵崇安人

張敬之

名顯父順昌人

黃德柄

名謙光澤人嘗遊朱呂之門皆為高弟

吳茂實

名英邵武人

魏元壽

名椿建陽人

游和之

名倪建寧人

游連叔

名敬仲南劍人

周元興

名明作建陽人

吳和中

名雉建陽人中一作仲

劉圻父

名子寰建陽人

黃仁卿

名東翰之兄

陳孔風

字仁仲孔碩之兄

葉任道



味道之弟

蕭長夫

福州人

饒克明

名缺邵武人

黃升卿

名杲三山人東之弟

俞夢達

名聞中邵武人

劉叔光

名鏡惠安人

丘玉父

名珏邵武人學禁嚴珏遂謝場屋

江文卿

建陽人

朱字缺

名澆興化軍仙遊人

黃令裕

名孝恭邵武人

林巒

泉州人

曹晉叔

建安人

朱魯叔

名缺仙遊人

王春頌

名缺建安人

陳彥志

名士直閩清人

傅夢良

名公弼莆田人

林仁實

永福人

上官安國

名謚邵武人

許幼度

名儉閩清人

陳敏仲

名駿寧德人

黃尚質

名翰長溪人

曾誠叟

名逢震閩縣人從文公遊一意實學

程深父

古田人

程寶石

名若中古田人躬行無僞終身不違於禮

蔣彥禮

名康國古田人文公楚辭集解凡所集皆實  
之學者稱鼎山先生

劉瑾

建陽人公之甥子翔之子

魏元作

名恪公之甥

祝癸

穆之弟

劉子禮

建州人

劉叔通

建州人

黃仲本

邵武人

陳廉夫

名址莆田人宓之從子

朱飛卿

漳州人

傅樞密

名伯壽字景仁晉江人

程良弼

名伯榮古田人與同邑蘇龜齡黃有開傳子

淵皆游朱門



道南源委錄卷之十一終

道南源委錄卷之十二

續錄

陳布衣名真晟字晦德改字剩夫其先福建泉州人

國初漳州苦倭寇乃設鎮海衛以保障之籍莆人泉人來爲戍守隸本衛後千戶所剩夫後遷龍巖晚定居漳之玉洲嘗詣

闕兩上書卒年六十四自號布衣學者稱陳布衣先生

布衣丰格高聳神氣肅清望之非塵埃中人也年十七八即能自拔於俗厭末作之蠹心而棄之惡異端之害道而拒之專心致志以儒爲業初時謂今世取士寔有專業乃入長泰山中從進士唐泰治舉子業業成薦于有司至福州聞有司防察過嚴無待士禮乃辭歸自是不復以科舉爲事務爲聖賢踐履之學初讀中庸做存養省察工夫覺無統緒繼續讀大學始知爲學次第乃以大學爲據及讀大學或問見朱子博採主敬諸說以補小學工夫始知敬者乃大學之

基本也。及求其所以爲敬。見程子以主一釋敬。以無適釋主一。始於敬字。見得親切。實下工夫。推尋此心之動靜。而務主於一。靜而主於一。則靜有所養。而客念不復作矣。動而主於一。則動有所持。而外誘不能奪矣。常語人曰。大學誠意爲鐵門關。難過主一二字。乃其玉鑰匙也。蓋意有善惡。若發於善。而一以守之。則所謂惡者退而聽命矣。又嘗語人曰。人於此學。若真知之。則行在其中矣。蓋以知之真。則處善安循。理樂其行。甚順然。其氣稟有偏勝嗜欲有偏重二者用。

事甚順而易者反逆而難矣此聖門論學於博學審問慎思明辨之後又加以篤行也天順二年用伊川故事詣

闕上程朱正學纂要其書首採程氏學制次採朱子論說補正學工夫次作二圖一著聖人心與天同運次著學者心法天之運次乃言立明師補正學輔皇儲隆教本數事以終上文圖說之意書未上先生疏乞召見而陳其說不報及書上得

旨禮部看了來說時侍郎鄒幹掌部事不知其說云

何其事竟寢既而家居讀提學憲臣頒行

勅諭教條有主敬窮理脩己治人崇正學迪正道敦尚孝弟忠信禮義廉耻等語喜曰此學校正教也然學校雖崇正教而科舉不定正考雖有正教不行也因採勅諭中要語參以程氏學制呂氏鄉約朱氏貢舉私議作正教正考會通定考德爲六等考文爲三等各有案例可據而行又纂長書告當道諸君子諸君子終不能推行其說其事亦寢布衣學有所得者至是皆無所遇每四顧徬徨不能自釋聞臨川吳聘

君名欲質之乃貨其家之直得五金携其兄之子一人以行戒之曰我死即瘞於道題曰閩南布衣陳某墓足矣行至江西張元禎太史止布衣宿扣其學所得大加稱許曰禎敢僭謂斯道自程朱以來惟先生得其真吳許二子亦未是

吳謂草廬許謂魯齋

如聘君者不可

見亦不必見也遂歸鎮海初創戎壘莆人雖多讀書家自布衣爲學而儒術始正自布衣與莆人李文舉諸前輩講行文公家禮而風俗始正布衣生于鎮海遷于龍巖晚定居于漳之玉洲卒年六十有四後十

年提學僉事周孟中祭以文郡守彭桓立石官道傍以表題曰大明

闕下兩上書請補正學泉南布衣陳先生墓提學副使姚鏞表章先哲舉入漳州鄉賢祠布衣平日不爲文字之學有雜藁藏於家者故邑庠生林祺特爲編次名存藁云

周鏞撰漳  
州人物志

穹壤百年極欠一會某自春來得厥疾一卧至今武夷之遊遂成虛語比者奉手教慨血肉之爲累念歲時之將窮引領南閩魂爽飛去是以不能默默



託於呻吟而廢裁答用布匪朝之忱於左右也

陳獻

章書

子友章德懋議論頗有源委似負經濟之略布衣陳  
剩夫閩中高士也似此二人者俯而詢之未必無  
分毫之助也仕者爲通隱者爲高皆非中庸之道  
視道之行否何如耳行藏欲合時請看床頭易敢  
爲執事誦之

羅倫與張都憲書

閩中陳剩夫者先生所知不幸去年秋間死矣其人  
雖未面然嘗粗聞其學術專一教人靜坐此尋向

上人也可惜可惜此學寥寥世間無人整頓得起  
士習日見頹靡殊可憂也

陳獻章與胡僉事書

比者婁克貞教諭亦有書來僕旣未接其人不可遽  
有徃復內翰倘以愚言爲有益擇其中一二可者  
示之否則置之陳布衣竟不及面而卒當此衰否  
之極又失此人可嘆可嘆

陳獻章與張元禎書

栖遲海濱水月自娛獨學無師每嘆索居端嘿沉潛  
慕回如愚特守有餘和靖之徒嘗法龍門詣

闕上書大字古體莊重安舒心箴屢揭示我室廬

楊廉

撰  
贊

周方伯名瑛字梁石莆田人中成化己丑進士  
授廣德州知州轉南京禮部儀制司郎中  
轉撫州府知府調鎮遠府至四川右布政  
使致仕初號蒙中子又號翠渠

期年過四十始仕庶幾觀斯道大全而求見夫子所  
謂一者及領鄉薦遂汨沒仕途而初志始爲奪云初  
在廣德念民惑鬼神著祠山雜辨又念民不知葬祭  
法及溺殺女子著教民雜錄在南京與人講邵氏蔡

氏學著經世管鑰律呂管鑰又苦字學無師承乃博  
采諸說爲字書管鑰其他詩文有水雲藁金臺藁金  
陵藁桐川藁臨川藁共若干卷藏於家居官行已頗  
知畏天命凡事每自檢於心求合於天而人有不及  
知者惟人不及知而暗合於天則恒自喜曰此吾學  
之得也年五十七故莆倅張公哲過臨汝謂在莆日  
嘗禱兩壺山絕頂上有地不食可卜葬予疇昔號愛  
山每躡屐登高徃徃有翹視八荒塵穢下土之意聞  
倅言喜曰是可以授我矣因自敘履歷以授諸子曰

我他日即棄子子無粉飾吾事以誣天下後世但謀葬我此山之巔以此納諸幽足矣

自撰生墓誌銘

承諭周翠渠守廣德有聲因記曩歲周侯贈賀克恭

詩云黃門仙客歸遼左少室山人憶嶺南我亦塵

埃難久住木蘭溪上浣青衫周侯後以進士留京

以書來番禺僕次韻戲之未及寄去周侯尋守廣

德僕以不能默默而竊喜周侯之有爲又喜先生

能與人善益思周侯所以處於克恭與僕之間始

終去就可不可之權先生蓋未之知也

陳獻章與丘太守書

是嘉魚李氏義學曰承箕字世卿嘗取鄉第矣近游  
南海從陳白沙歸遂居大崖山以老謂靜極則心  
虚心虛則理見故視六經若土苴視形骸若仇敵  
視聖人所以立禮義之防若纏束網縛欲撒去之  
白沙予友也名獻章字公甫新會人也二十年前  
日相徃返瑛見其神清氣完心地定疊徃徃以其  
靜觀天下之動竊以爲古閉關人也今世卿從白  
沙游不知其說果出白沙否果出白沙則吾當盡  
己之說不當祖述其說而申告之也瑛聞人心無

外以爲有外者非也。聖人靜有以立天下之大本。動有以行天下之達道。由體及用。一以貫之。其餘爲學皆由博以反約。博者萬殊也。約者一本也。求諸萬殊而後一本可得。一本既得則所謂萬殊者亦可推此以貫之矣。瑛請得以言其功程次第。蓋始學之要以收放心爲先。務收放心居敬是也。居敬則心存聰明睿智皆由此出。然後可以窮理。所謂窮理者非謂靜守此心而理自見也。蓋亦推之以極其至焉耳。孟子曰萬物皆備於我矣。此言人

心無外也不即物以窮理其能盡此心之體乎故  
自性情之微以及形骸之粗自食息之末以及綱  
常之大自六經之奧以及天地萬物之廣皆不可  
不求其理求其理謂求其自然與其當然又於自  
然當然求其所以然積累既多自然融會貫通而  
於一本者亦自得之矣一本固非學者所敢言然  
聞之中庸有曰喜怒哀樂之未發謂之中又曰上  
天之載無聲無臭至矣此譬如穀種雖自塊然而  
根苗花實皆聚於此又如鷄卵雖自渾然而羽毛



甯亦皆具於此及其發見於行事在聖人體用一貫在學者未免差互蓋在己者有所拘蔽故所發不無偏重之殊在外者有所搖奪故所執不無遷就之異然而既見本源則於處善亦安循理亦樂至於患難事變雖以死易生亦甘心爲之此聖學之大略也今不務此乃塊然靜坐求畢體用之學

吾見其難矣

出翠渠集

諂鬼有辯訓民有錄鄉有保伍庠有教育仕多善政不一而足公心隆古人心未淑越雪蜀日或以迂

目邵蔡之書塵滿簡牘志在旁通求之頗篤

楊廣撰贊

黃督學名潛字仲昭以字行福建莆田人天順

己卯鄉薦第六人成化丙戌中二甲進士

選翰林院庶吉士丁亥授編修諫預作鰲

山烟火詩左遷湘潭知縣用給事中毛弘

言改南京大理寺評事乙未相繼丁內外

艱己亥即吉乞休致家居十年弘治改元

御史姜洪薦庚戌陞江西提學僉事丙辰

乞致仕以歸正德戊辰十一月初一日卒

于家年七十有四號未軒復號退菴居士  
公十五六時遂專意古學凡先聖先賢一言一行無  
不究極淵微必實踐而力行之於周程張朱之書韓  
柳歐蘇諸家下至農圃醫卜之學無不遍覽其爲詞  
則專宗朱子焉孫希護撰事述

公授編修甫三月有

旨命翰林賦烟火等詩預爲元宵賞玩之具仍出舊  
詩令擬述進呈辭多不經特以代俳優者之言耳  
因與同官編修章懋檢討莊永議以爲翰林固以

供奉爲職若鄙褻之詞豈宜進於君上况吾人荷國厚恩恒恐曲學阿世無以補報於萬一又何敢爲此鄙辭上瀆

天聽以自取侮慢不敬之罪哉因上疏極言不可冀以開悟

上心禁止其事用事者大怒取

旨逮至 午門命衛士各撻二十斤補外得湘潭縣知縣時刑科給事中毛弘等言三人者出自草茅初居翰苑不顧一身敢言直諫實盛時事也乞復

其原職以慰人心以息物議

特旨改南京大理寺右評事南京諸司直堂守門隸  
卒皆八月錢公謂既以直堂守門為名而收其月  
錢以充私用是亦義所不當得者也縱上下相安  
無有以為非者其於心安耶悉却不受其讞獄務  
以抑豪強伸冤抑為主有御史縱子弟強取人財  
物子女者刑部曲為隱蔽公卒駁之有強盜共掠  
一婦而復轉賣與人刑可止以強奸坐為首一人  
公必欲皆坐之卒從所駁公連居父母喪四年不

離苦塊食惟蔬果酒不入唇終喪以二親皆逝無  
爲祿仕遂引疾丐休家居十年弘治改元以御史  
姜洪薦有

詔起用赴京陞江西按察司僉事提督學校至則嚴  
教條以身倡率之宦家子弟未嘗假借凡經識拔  
皆一時名士弘治乙卯遂上疏乞致仕至丙辰再  
疏始得

允家居惟以著述爲事撫巡藩臬及郡守嘗請修志  
如八閩通志延平郡志邵武郡志皆出公手筆云

並述  
事

挾策滔滔藝焉爲事獨於名理蚤所耽嗜翰林供奉  
豈專文字誰生厲階曲學阿世席未及溫三已三  
仕經濟胸中多未展試何以見之閩中諸誌楊廉撰贊  
蔡祭酒名清字介夫晉江人中成化丁酉鄉試

第一甲辰第進士授禮部主事三原王端

毅公爲吏部尚書舉以爲屬丁母憂服除

仍禮部乞南改南京吏部未幾乞終養尋

丁父憂服除特起江西按察司副使提督

學校尋引去繼起國子監祭酒朝命及門  
而介夫卒矣寔正德戊辰十二月二十三  
日卒年六十六號虛齋

溫陵蔡介夫虛齋飭躬礪行動準古人其學以六經  
爲正宗四書爲嫡傳四儒爲真派平生精力盡用之  
易四書蒙引之間闡發幽秘梓學宮而行天下其於  
易深矣究性命之源通幽明之故四方學者宗師之  
曰虛齋說也守無變扶衰振落溫陵造就可謂易學  
一時矣經義趣深理到論策諸作暢達疏爽詩文別



出體格掖人心而繫名教卒澤於仁義道德粹如也  
貞剛善晦而亦間取夫名者之忌在禮曹三原王端  
毅公引入爲吏曹竟復爲禮曹乞南又乞告特起按  
察副使督學江右宸庶人仇予因仇介夫介夫引而  
去逆瑾亂政起祭酒以鎮壓人望而介夫先沒矣嗚  
呼介夫之不爲龜山非幸耶景尚遺德姚英之諸君  
子爲立祠葛石厓志貞爲輯遺文粹之一時交與予  
在也

林俊撰虛齋文集序

平生所志惟在儒術舉業理學會粹爲一蒙引之作

藩垣置筆辯如江河守則以訥朱之於呂嘗誅其  
沒酷類成公辭寡人吉閩學中興公多倡率揚麻  
撰贊

以上四先生事俱出理學名臣錄

道南源委錄卷之十二終

道南源委錄敘

鎮山先生之學本於超悟沉潜於江右師友之間  
蓋積累有年矣比拜

命我閩閩士欣躍相語曰是昔爲尤溪婺源果於行  
文公之政教者縉紳故舊貽書戒子弟曰祇有勤  
學遵正教不可干以私也先生旣至端範肅條士  
有定志舉足揚聲皆準繩矩度人皆知先生以聖  
學自期且以望二三子也曰洙泗嫡派在伊洛伊  
洛嫡派在閩也龜山先生載道而南開我閩學由

是而羅而李而朱閩之學大成矣士生其鄉可忘  
所自而不知學乎有進而言者曰歲在庚寅一所  
先生肇祀純公配以四子先生曰禮也以義起也  
集其緒論合爲一書明所傳也前輩之猷遠矣敦  
不在茲乎曰學以聖人爲歸而進步取諸近當自  
鄉先正始予爲尤溪邑的婺源皆文公之鄉也宦其  
鄉景行其人尋其學之源委也每以告諸生而未  
及夫八郡也今非吾妻貝乎蚤夜以思欲以世系圖  
譜之例以正其宗而世備其派竊比於伊洛淵源之

撰乃不計歲月博訪窮搜細簡精擇由是詳其世  
定其統節取其言載其同門及門之士要皆所傳  
之一致而不詭於聖人之道者久之而道南源委  
之錄成矣天衢小子索居久日益荒陋不得與於  
校讎之役庚申之冬乃聞命于帥府獲領授讀閱  
徧而作曰茲不有以見先生篤道之心乎茲非閩  
學之光來學之幸乎不棘于旦夕而其功可謂勤  
不混夫本支而其統可謂正不遺夫幽眇而其仁  
可謂周不芬于繁漫而其義可謂嚴不漏夫顛末

而條貫可謂全天下後世之人苟無志於學則已  
如有志於學安得不求統於閩求統於閩安能舍  
此以論世此必傳之書也先生自庚戌下車久不  
以藝較閩士曰閩士今日所少者非藝也養正廢  
講久矣蓋使圯者脩絕者續生者有所考而相師  
死者不泯滅以爲憾乎二三先生不同時而作人  
同心也能無念乎肆予二三子相與從事於斯也  
能不惕然以省無虛此生乎能不奮然以勵圖所  
謂不朽乎能不循予之規繼予之志求無忝於

哲之緒無俾專美於前又從而容予之所教乎先生欲人一意以靜爲學今自體驗於身心性情之間致謹於言行樞機之始而印証乎傳授之法從容涵泳振作鼓舞若有所獲也而後廣之以聞見課之以脩辭文質競爽彬彬一時蓋其周旋提醒無時不用其心無處而非教也先生之所以望于二三子者可謂殷矣計今而後苟有興而登斯錄者皆先生至誠感動之一機將蕃衍昌熾以復海濱鄒魯之盛而先生得志以大行其道者有太史



門人相繼備書之矣而有誨于書院者將必有錄於此以詔後也先生曰吾欲二三子爲學不願徒爲彌文也吾願繼此而衷和錫類相因於弗匱庶不罪我而道可一也先生盛德大業固非小子所能窺其際而深仁厚澤不解於心休戚存沒各酬其願先生於閩之鄉賢存者沒者必皆精審以表之樹風聲也至於學官弟子亦不靳三致意懇懇然惟勵俗之急又提學道舊有學田稅令有司掌之毫釐不入私篋盡給散省下貧生生員林應期

丘原高物故爲之祭葬表墓士類莫不有父母之  
感正謂師保而父母者計今而後苟有興而登斯  
錄者謂非先生造就之子孫不可也流派不亦遠  
乎况洙泗伊洛之邦又皆先生方伯連師時所過  
化陶成其施普恩洽人頌家傳善政流風未永矣  
則所以斟酌乎大源者益深而流衍于衆派者益  
遠矣豈特道南源委云爾哉且先生之相業又天  
下所注望指日者也策其偉才殊勲當必掀揭天  
地輔佐

中興以振古之治也無惑矣而其素養之泊然者必  
謂於所性無加而其樂英才之育者當不改焉此  
謂百煉之本色孔顏之真樂堯舜君民皆分內子  
在川上之嘆如斯者也先生筦爾而笑曰達甫古  
之狂也言吾志亦近之矣盍識于錄後庚申長至  
日門人晉江張天衢甫謹敘

道南源委錄敘

道之在天下也如日中天輝光遠映四出而旁及南也者固聖人之所面以聽天下者也聖人身斯道之統其化理之光被宜於所面之方尤爲炤燭而焜顯果待儒者之傳始得與於斯乎哉任道之君不數弘道之臣亦不數非其交會之盛欲無遠之弗届不可得已唐堯周文所謂道之宗者非耶史贊放勳至於海隅日出罔不率俾詩稱江漢汝墳漸濡乎穆穆之風丕顯而較著斯道之微於南

國如此豈獨二聖之德茂哉伯禹臯陶呂望宜生  
應聖人之昌期身承而心受之是以宣昭令德而  
施逮於無疆使非四臣爲之都俞流輔其宣鬯乎  
休美者鮮克奉乎上而究之下曷以烜燿炳朗而  
窮乎照臨之所至嗚乎君臣之遇亦難矣龜山生  
宋之季世其所聞固不詭於四臣也而其所際則  
於四臣較相越矣彼其接程門之傳載之而南與  
諸賢哲問詰唯諾以講明乎心秘雖有契悟領畧  
之人未必恢廓而遠布即羅胡數公各建明於宣

和靖康間視乎躋見知之列以承休光蓋亦不能  
無憾斯道之在南也其果於無所待乎哉仰我  
皇上敬一建極陶成群生祖堯舜之安秉文王之純  
已不待夫聲色而儀刑適於四方薄海內外靡不  
賡緝周浹而一於德教由斯道之統推之未有盛  
於昭代也一時名公碩輔奉宣至意恍若周唐之  
廷藹藹以濟讓吾師朱夫子天挺其資神授之識  
心涵乎道德之微動弗踰於性命之矩寔荷帝心  
之簡在以大行於樞軸而沛及寰宇蓋普天率土

將席乎斯道之暉者炳如矣况闕之譽髦舊沐作  
育之化夫子之易其口耳之習啓之以不慮之知  
者已非一日宜不待稽儒先之空言始覺悟而感  
奮然而夫子追前開後之心尤弗能忘於昔出所  
次道南錄以嘉惠諸士豈不以居其鄉思其人則  
當求其學以稽其遺範之所存乎抑亦以得其學  
當益講其人以追其流源於不泯乎夫子之託於  
載籍以導其嚮往旣班然可考而親承乎敬一之  
音以發揮於端揆者又若是其彰彰則由聖天子

所都之國及夫所面之方作其震曜而興其濯磨者當何如也計必有幡然於是錄之表者矣讀是錄而苟有幡然之心必將曰周程張朱得龜山而傳道之明也於宋足徵也禹臯宜望得吾夫子而彰道之行也其見於今日乎琦辱寵誨甚深而多自慙負敬以俟同門諸君子吏部觀政進士門人許天琦謹敘



道南源委錄者何錄宋儒載道而南源於伊洛而  
盛乎閩者也何以錄錄死者於前聞將以啓生者  
於後也千古之相傳者道千聖之相傳者心心不  
息道亦不息曷爲而稽之前聞也曰讀其言則思  
得其心繇其道則思見其人情之常也夫錄亦信  
其心如見其人也古之作者皇羲黃帝堯舜周文  
孔其至也錄之作舍六經遺六聖而樹表於宋儒  
其故何也曰錄以閩作也古之名書者或以世或  
以地或以人此何以道南稱颺知言也昔者楊龜

山北學於伊洛比辭歸先生知其能以爲吾道南也歸於閩果能以閩人學先生之道終於宋世世稱知言然則雖名以道南而廣平諸先生槩之矣然則附

明作者四人何從而覈之也曰覈之楊劍江名臣錄也楊龜山游廣平羅豫章李延平朱晦翁此五人並能發揮乎師說儀刑乎宇宙而胡文定春秋傳蔡文節律呂新書黃文肅儀禮經傳通解蔡節齋易訓九峯書傳洪範皇極真西山大學衍義胡明

仲熊勿軒史論胡五峯知言輝煌炳耀雖百世未  
泯也而錄固減損其文詞何也曰善學易者義盡  
爲傳心不善讀春秋者三傳爲臆辭吾懼其逐於  
辭而遠於心也司馬遷文人也紀孔子於世家而  
敘七十子於列傳雖六經論語之文固不盡載也  
於乎吾懼其逐於詞而遠於心也堯而上其相授  
受者心也默而識之不言而信下此則入於言矣  
然君臣師友之間其相授受者語以心也心得而  
義黃堯舜文孔之道在我矣不得則語言皆迹也

文淵閣書  
卷一  
故孔子曰予欲無言凡欲求諸心也夫錄亦欲求  
之心焉爾矣孟子不云乎誦其詩讀其書不知其  
人可乎是以論其世也是尚友也又曰去聖人之  
世若此其未遠也近聖人之居若此其甚也噫爾  
多士其亦當知 鎮山先生斯錄教人之意若此  
乎

嘉靖癸丑六月甲戌莆田縣儒學教諭王翥謹識

閩故南陔也入唐時雖有老友文章登龍虎榜如  
晉江歐陽詹者爲韓昌黎時愛重嗣是而後科第  
輩出篤行織學代亦有見史志皆不悉書求其登  
堂入室與聞道統者蓋鮮矣迨有宋楊龜山氏始  
泝源伊洛載道而南豫章延平承之至子朱子蒐  
括前賢陶鑄來匠鏘鏘然集大成矣其間砥志研  
真之倫或受業於當年或私淑於后代究厥指歸  
雖未得其宗之要之不詭於聖人之軌信海濱之  
鄒魯也已伊洛已有錄獨閩中謂爲我鎮山朱夫

子江右先覺海內儒宗以正學於八閩  
尋其正統之由來及其由盛也西宮成全  
名之爲道南源委錄二語是錄之作豈徒徵一  
之文獻哉四海之遐六合之入千古之上萬世之  
下理原會於齊致奧妙弘之至人故龜山南而道  
遂與之俱南况南方位離于今文明之氣蒸蔚爲  
中州冠觀斯錄者允洽委以尋源師而踐迹有  
不諸儒其人也邪入道猶之泰岱也而鎮山夫子  
爲書之心慰矣雖然登泰岱者循崖而躡其巔則

無不升矣景行

先哲者因循而致乎遠

矣如遠有所章

句通有以爲也鳥在其

以揚言諸多志

凡有儒學  
明導陳